

**Rješenje**  
**po Prijavi namjere koncentracije Savezne države Bavarske, SR Njemačka i BayernLB**  
 **Holding AG, SR Njemačka**

**Sarajevo**  
**Maj, 2009. godine**

Broj: 01-01-26-057-12-II/08  
Sarajevo, 12.05. 2009. godine

Na osnovu čl. 25. stav (1) tačka e) i 42. stav (1) tačka d), u vezi s čl. 12., 14., 16., 17. i 18. Zakona o konkurenciji («Službeni glasnik BiH», br. 48/05 i 76/07), rješavajući po Prijavi namjere koncentracije Savezne države Bavarske, SR Njemačka, koju predstavlja Ministarstvo finansija Bavarske, sa sjedištem na adresi Odeonsplatz 4, D – 80539 Minihen, Njemačka, zastupano po advokatu Stevanu Dimitrijević iz Banja Luke, Gundulićeva 4, 78000 Banja Luka, zaprimljenoj dana 30. decembra 2008. godine pod brojem: 01-01-26-057-II/08, Konkurencijsko vijeće, na 88. (osamdesetosmoj) sjednici održanoj dana 12.05.2009. godine, je donijelo

### **R J E Š E N J E**

1. Ocjenjuje se dopuštenom koncentracija na tržištu univerzalnog bankarstva i lizinga u Bosni i Hercegovini koja će nastati sticanjem većinskog vlasničkog udjela od strane Savezne države Bavarske, SR Njemačka, koju predstavlja Ministarstvo finansija Bavarske, sa sjedištem na adresi Odeonsplatz 4, D – 80539 Minihen, Njemačka u privrednom subjektu BayernLB Holding AG, dioničko društvo Brienner Strasse 18, 80333, Minhen, Njemačka.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće je dana 30.12.2008. godine pod brojem: 01-01-26-057-II/08 zaprimilo Prijavu namjere koncentracije poslatu poštom dana 26.12.2008. godine (u daljem tekstu: Prijava) Savezne države Bavarske, SR Njemačka, koju predstavlja Ministarstvo finansija Bavarske, sa sjedištem na adresi Odeonsplatz 4, D – 80539 Minihen, Njemačka, zastupano po advokatu Stevanu Dimitrijević iz Banja Luke, Gundulićeva 4, 78000 Banja Luka (u daljem tekstu: Podnosilac prijave ili Savezna država Bavarska) koja namjerava da stekne kontrolu povećanjem osnovnog kapitala nad dioničkim društvom BayernLB Holding AG, sa sjedištem na adresi Brienner Strasse 18, 80333, Minhen, Njemačka.

Uvidom u podnesenu Prijavu utvrđeno je da ista nije potpuna i kompletna, u smislu člana 30. stav (1) Zakona o konkurenciji („Službeni glasnik BiH“, br. 48/05 i 76/07) i čl. 8., 9. i 10. Odluke o načinu podnošenja prijave i kriteriji za ocjenu koncentracije privrednih subjekata “Službeni glasnik BiH“, broj 95/06), te je Konkurencijsko vijeće zatražilo dopunu (akt broj: 01-01-26-057-2-II/08 od 06.01.2009. godine), u skladu sa članom 31. Zakona o konkurenciji (u daljem tekstu: Zakon).

Podnosilac prijave je izvršio dopunu Prijave potrebnom dokumentacijom podnescima broj: 01-01-26-057-5-II/08 od 11.02.2009. godine, broj: 01-01-26-057-7-II/08 od 05.03.2009. godine i broj: 01-01-26-057-9-II/08 od 27.03.2009. godine

Nakon kompletiranja Prijave, Konkurencijsko vijeće je Podnosiocu prijave izdalo Potvrdu, dana 23.04.2009. godine broj: 01-01-26-057-10-II/08, kojom potvrđuje podnesenu Prijavu urednom i kompletnom u smislu člana 30. stav (3) Zakona.

Podnosilac prijave je naveo, u smislu člana 30. stav (2) Zakona o konkurenciji (u daljem tekstu: Zakon), da će zahtjev za ocjenu koncentracije podnijeti nadležnim tijelima za zaštitu konkurencije u Srbiji, Njemačkoj, Austriji, Crnoj Gori, Sloveniji, Makedoniji, Italiji i Bugarskoj.

Predmetna Prijava je podnesena u predviđenom vremenskom roku od osam dana od dana donošenja Odluke o povećanju osnovnog kapitala, u smislu člana 16. stav (1) Zakona.

## 1. Učesnici predmetne koncentracije

Učesnici predmetne koncentracije su Savezna država Bavarska, SR Njemačka i dioničko društvo BayernLB Holding AG, SR Njemačka.

### 1.1. Savezna država Bavarska

Savezna država Bavarska, zastupana po Bavarskom ministarstvu finansija, Odeonsplatz 4, D – 80539 Minhen, je jedna od saveznih država SR Njemačke.

U 2007. godini Savezna država Bavarska je ostvarila prihod u iznosu od (.)\*\*<sup>1</sup> KM ((.)\*\* EUR-a), od čega iznos od (.)\*\* KM ((.)\*\* EUR-a) u Njemačkoj.

Savezna država Bavarska je prisutna na tržištu Bosne i Hercegovine u bankarsko – finansijskom sektoru kroz vlasnički udio od 50,00 % u privrednom subjektu Bayern LB.

### 1.2. BayernLB Holding AG

Dioničko društvo BayernLB Holding AG, sa sjedištem na adresi Brienner Strasse 18, 80333, Minhen, SR Njemačka (u daljem tekstu: BayernLB) je registrovano 2000. godine u privrednom registru Opštinskog suda u Minhenu pod brojem HRB 136306.

Vlasnička struktura dioničkog društva BayernLB prije provođenja predmetne koncentracije je prikazana u Tabeli 1:

**Tabela 1.**

Dioničari	Učešće u %
Savezna država Bavarska	50,00
Bavarsko udruženje štedionica (Sparkassenverband Bayern)	50,00
<b>UKUPNO</b>	<b>100,00</b>

Izvor: Podaci iz Prijave

Dioničko društvo BayernLB je finansijsko holding društvo, čija je osnovna djelatnost pružanje usluga univerzalnog bankarstva i lizinga.

Privredni subjekat BayernLB je u Bosni i Hercegovini prisutan podsredstvom Hypo Group Alpe Adria i privrednog subjekta Alpe Adria Venture Fund GmbH & Co KEG, Bauernmarkt 6, Beč, Austrija.

<sup>1</sup> (.)\*\* podaci predstavljaju poslovnu tajnu

Hypo Group Alpe Adria je međunarodna finansijska grupa koja djeluje u Austriji, Italiji, Sloveniji, Hrvatskoj, Bosni i Hercegovini, Srbiji, Crnoj Gori, Njemačkoj, Mađarskoj, Bugarskoj, BJR Makedoniji i Ukrajini.

Hypo Group Alpe Adria posluje u okviru koncerna Hypo Alpe-Adria-Bank International AG, Alpen – Adria – Platz 1, 9020 Klagenfurt, Austrija upisan dana 30.08.1991. godine u registar okružnog suda u Klagenfurt – u registarski broj 108415i.

Vlasnička struktura privrednog subjekta Hypo Alpe-Adria-Bank International AG prikazana je u Tabeli 2.

**Tabela 2.**

<b>Dioničari</b>	<b>Učešće u %</b>
Bayern LB SR Njemačka	67,08
Osiguravajuće preduzeće GRAWE – Gruppe Austrija	20,48
Vlada pokrajine Koruške Kärntner Landesholding Austrija	12,42
Udruženje zaposlenih Hypo Alpe-Adria Mitarbeiter Privatstiftung	0,02
<b>UKUPNO</b>	<b>100,00</b>

Izvor: [www.hypo-alpe-adria.ba](http://www.hypo-alpe-adria.ba)

Osnovna djelatnost privrednog subjekta Hypo Alpe-Adria-Bank International AG je pružanje usluga univerzalnog bankarstva i lizinga.

### **1.3. Povezani privredni subjekti BayernLB u Bosni i Hercegovini**

Povezani privredni subjekti BayernLB u Bosni i Hercegovini su Hypo Alpe – Adria – Bank d.d. Mostar, Hypo Alpe – Adria – Vrijednosnice d.o.o. Sarajevo, Hypo Alpe – Adria – Invest d.o.o. Mostar, Hypo Alpe – Adria – Leasing d.o.o. Sarajevo, Impregnacija – Holz d.o.o. Vitez i Hypo Alpe – Adria – Bank a.d. Banja Luka.

#### **1.3.1. Hypo Alpe-Adria-Bank d.d. Mostar**

Privredni subjekat Hypo Alpe-Adria-Bank d.d. Mostar, Kneza Branimira 2b, 88 000 Mostar, upisan 2001. godine u registar Općinskog suda u Mostaru pod matičnim brojem 1-10164.

Osnovne registrovane djelatnosti privrednog subjekta Hypo Alpe-Adria-Bank d.d. Mostar su obavljanje depozitnih i drugih bankarskih poslova u zemlji i inostranstvu kao što su primanje svih vrsta novčanih depozita i drugih novčanih sredstava, davanje i uzimanje kredita i finansijski lizing, davanje svih oblika novčanog jemstva, usluge platnog prometa prijenos novca, kupovina i prodaja strane valute, izdavanje i upravljanje vrijednosnim papirima i drugim vrijednostima, usluge finansijskog menadžmenta, kupovina i prodaja vrijednosnih papira i druge poslove koji iz toga proizilaze.

Privredni subjekat Hypo – Alpe – Adria Banka d.d. Mostar je u 100% vlasništvu Hypo Alpe-Adria-Bank International AG.

Privredni subjekat Hypo – Alpe – Adria Banka d.d. Mostar ima 51 podružnicu, 57 ATMs i ukupno 1.459 POS terminala u Federaciji Bosne i Hercegovine.

### 1.3.2. Hypo Alpe – Adria – Vrijednosnice d.o.o. Sarajevo

Brokersko – dilerska kuća Hypo Alpe-Adria-Vrijednosnice d.o.o. Sarajevo, Trg Solidarnosti 12, 71 000 Sarajevo, upisana u junu 2003. godine u registar Općinskog suda u Sarajevu pod matičnim brojem 1-25756.

Privredni subjekat Hypo Alpe – Adria – Vrijednosnice d.o.o. Sarajevo je u 100% vlasništvu privrednog subjekta Hypo Alpe Adria Banka d.d. Mostar.

Osnovna registrovana djelatnost je posredovanje u vrijednosnim papirima na finansijskom tržištu za vlastiti i tuđi račun i s tim povezane djelatnosti.

### 1.3.3. Hypo – Alpe – Adria – Invest d.o.o. Mostar

Privredni subjekat Hypo – Alpe – Adria – Invest d.o.o. Mostar, Kralja Petra Krešimira IV bb, 88000 Mostar, upisan dana 25.09.2000. godine u registar Općinskog suda u Mostaru pod matičnim brojem 1-10288.

Privredni subjekat Hypo Alpe – Adria – Vrijednosnice d.o.o. Sarajevo je u 100% vlasništvu privrednog subjekta Hypo Alpe Adria Banka d.d. Mostar.

Osnovna registrovana djelatnost privrednog subjekta Hypo – Alpe – Adria – Invest d.o.o. Mostar je upravljanje privatizacijskim investicijskim fondovima.

### 1.3.4. Hypo – Alpe – Adria Leasing d.o.o. Sarajevo

Privredni subjekat Hypo – Alpe – Adria – Leasing d.o.o. Sarajevo, ulica Zmaja od Bosne bb, 71000 Sarajevo ( u daljem tekstu: Hypo – Alpe – Adria – Leasing) osnovan je u septembru 2001. godine i upisan je u registar Općinskog suda u Sarajevu pod matičnim brojem 1-24584.

Privredni subjekat Hypo – Alpe – Adria – Leasing je u 100% vlasništvu privrednog subjekta Hypo – Alpe – Adria – Leasing AG, Austrija, Alpen – Adria Platz 1, Klagenfurt, Austrija.

Osnovna registrovana djelatnost je trgovina motornih vozila na malo i veliko i posredovanje u trgovini motornim vozilima.

Privredni subjekat Hypo – Alpe – Adria – Leasing ima podružnice u Mostaru, Tuzli, Banja Luci, Bijeljini, Bihaću, Vitezu, Livnu i Trebinju, te poslovnicu u Sarajevu.

### 1.3.5. Impregnacija – Holz d.o.o. Vitez

Privredni subjekat „Impregnacija – Holz“ d.o.o. Vitez, sa sjedištem u Vitezu, ulica Stjepana Radića bb, upisan u registar Općinskog suda u Travniku, pod matičnim brojem 1-608.

Vlasnička struktura privrednog subjekta „Impregnacija – Holz“ d.o.o. Vitez prikazana je Tabeli 3:

<b>Vlasnici</b>	<b>Vlasnički udio u %</b>
Bayern LB (Alpe Adria Venture Fund Gmbh& Co KEG Austrija)	51,00
PAHLZ Gmbh Hermagor	42,38
Ivo Križanac	6,62
<b>UKUPNO</b>	<b>100,00</b>

Privredni subjekat Bayern LB ima 99,2% vlasničkog udjela u privrednom subjektu Alpe Adria Venture Fund GmbH & Co KEG, Bauernmarkt 6, Beč, Austrija.

Osnovna djelatnost privrednog subjekta „Impregnacija – Holz“ d.o.o. Vitez je proizvodnja rezane građe, impregnacija ili hemijska obrada drveta, proizvodnja nesastavljene drvene građe, furnira, građevinske stolarije i dr.

### 1.3.6. Montis d.o.o. Sarajevo

Privredni subjekat „Montis“ društvo sa ograničenom odgovornošću za izgradnju Sarajevo, sa sjedištem u Sarajevu, Nusreta Šišića Dede A2, upisan u registar Općinskog suda u Sarajevu pod matičnim brojem 1-25634.

Vlasnička struktura privrednog subjekta „Montis“ d.o.o. Sarajevo prikazana je Tabeli 4:

**Tabela 4.**

Vlasnici	Vlasnički udio u %
Bayern LB (Alpe Adria Venture Fund GmbH& Co KEG Austrija)	85,00
Hazandar Dževad	15,00
<b>UKUPNO</b>	<b>100,00</b>

Osnovne registrovane djelatnosti privrednog subjekta „Montis“ d.o.o. Sarajevo su rušenje i razbijanje objekata, zemljani radovi, visokogradnja, izgradnja objekata niskogradnje, postavljanje krovnih konstrukcija i pokrivanje krovova i ostali građevinski radovi.

### 1.3.7. Hypo Alpe – Adria – Bank a.d. Banja Luka

Privredni subjekat Hypo Alpe – Adria – Bank a.d. Banja Luka, sa sjedištem u Banjoj Luci, Aleja Svetog Save broj 13, upisan je u registar Osnovnog suda u Banjoj Luci pod brojem 3-25-00 dana 09.10.2003. godine. Registrovan je za obavljanje bankarskih poslova, monetarno posredovanje, kreditno posredovanje, finansijsko posredovanje, posredovanje sa vrijednosnim papirima.

Vlasnička struktura privrednog subjekta Hypo Alpe – Adria – Banka a.d. Banja Luka prikaza je u Tabeli 5:

**Tabela 5.**

Dioničari	Učešće u %
Hypo Alpe-Adria-Bank International AG Austrija	97,00
Privatna preduzeća iz Republike Srpske	2,4
Zemljoradničke zadruge Republike Srpske	0,6
<b>UKUPNO</b>	<b>100,00</b>

## 1.4. Privredni subjekti u Bosni i Hercegovini u kojima BayernLB ima više od 10% vlasničkog učešća

Privredni subjekti u Bosni i Hercegovini u kojima privredni subjekta BayernLB posredno ima više od 10% vlasničkog učešća su:

- Privredni subjekat „Soko – specijala oprema“ d.o.o. Mostar, sa sjedištem u Mostaru, Rodoč bb, sa 10,70% vlasničkog udjela,
- Privredni subjekat „Ventilator – Soko“ d.o.o. Mostar, sa sjedištem u Mostaru, Rodoč bb, sa 20,23% vlasničkog udjela,

- Privredni subjekat „Glumina Leasing“ d.o.o. Ljubuški, sa sjedištem u Ljubuškom, A. Šimića bb, sa 20% vlasničkog udjela,
- Privredni subjekat „Vučjak“ a.d. Bosanski Brod, sa sjedištem u Bosanskom Brodu, ulica Vojvode Stepe Stepanovića bb, sa 10,12% vlasničkog udjela,
- Privredni subjekat „Kristal Invest“ a.d. Banja Luka, sa sjedištem u Banja Luci, ul. Milana Rakića 1, sa 12% vlasničkog udjela,
- Privredni subjekat „Kristal Konsalting“ a.d. Banja Luka, sa sjedištem u Banja Luci, Vuka Karadžića 6, sa vlasničkim udjelom od 47,83%.

## 2. Obaveza prijave namjere predmetne koncentracije

Obaveza prijave namjere koncentracije privrednih subjekata, u smislu odredbe člana 14. stav (1) pod a) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu, iznose preko 100.000.000,00 KM, po završnom računu u godini koja je prethodila predmetnoj koncentraciji, pri čemu je najmanje jedan privredni subjekt učesnik koncentracije registrovan na teritoriji Bosne i Hercegovine.

Ukupni godišnji prihodi privrednog subjekta BayernLB, na dan 31. decembra 2007. godine, prikazan je u Tabeli 6.

**Tabela 6.**

<b>BayernLB</b>	<b>KM</b>	<b>EUR</b>
<b>Bosna i Hercegovina</b>	(..)**	(..)**
<b>Svijet</b>	(..)**	(..)**

Izvor: Podaci iz Prijave

Godišnji prihod učesnika koncentracije predstavlja ukupan prihod (bez poreza na dodanu vrijednost i drugih poreza koji se direktno odnose na učesnika koncentracije, na svjetskom i na tržištu Bosne i Hercegovine), u smislu člana 8. tačka h) Odluke o načinu podnošenja prijave i kriteriji za ocjenu koncentracija privrednih subjekata („Službeni glasnik BiH“, broj 95/06)..

Budući da su ispunili uslove, u smislu člana 14. stav (1) pod a) Zakona, u pogledu zajedničkog ukupnog godišnjeg prihoda i da je najmanje jedan privredni subjekt učesnik koncentracije registrovan na teritoriji Bosne i Hercegovine, privredni subjekti učesnici koncentracije su obavezni podnijeti Prijavu.

## 3. Pravni osnov i oblik predmetne koncentracije

Pravni osnov koncentracije je Odluka o povećanju osnovnog kapitala od 18.12.2008. godine. Navedena Odluka je donesena na vanrednoj glavnoj skupštini privrednog subjekta Bayern LB Holding AG i odnosi se na povećanju osnovnog kapitala sa (..)\*\* KM ((..)\*\* EUR-a), za (..)\*\* KM ((..)\*\* EUR- a), na (..)\*\* KM ((..)\*\*EUR-a).

Povećanje se vrši povećanjem osnovnog kapitala privrednog subjekta BayernLB od strane Savezne države Bavarske i to izdavanjem 1.264.854.164,00 dionica bez naznačene minimalne vrijednosti koje glase na ime, s prednošću za učešće u dobiti u visini od (..)\*\* EUR-a i proporcijano iznosu osnovnog kapitala od 1,00 EUR-a.

Na osnovu ove Odluke, Savezna država Bavarska, kao podnosilac prijave, će postati većinski vlasnik privrednog subjekta BayernLB sa 94,0% vlasničkog udjela.

U skladu sa naprijed navedenim pravni oblik predmetne koncentracije, predstavlja sticanje kontrole Savezne države Bavorske nad privrednim subjektom BayernLB, u smislu člana 12 stav (1) tačka b) Zakona o konkurenciji.

#### **4. Relevantno tržište predmetne koncentracije**

Relevantno tržište, u smislu člana 3. Zakona, te čl. 4., 5. i 6. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvaća sve proizvode i/ili usluge za koje potrošači smatraju da su međusobno zamjenjive s obzirom na njihove bitne karakteristike, kvalitet, namjenu, cijenu ili način upotrebe.

Nadalje, prema članu 5. Odluke o utvrđivanju relevantnog tržišta relevantno tržište u geografskom smislu obuhvaća cijelu ili dio teritorije Bosne i Hercegovine, na kojoj tržišni konkurenti djeluju u prodaji i/ili kupovini relevantnog proizvoda pod jednakim ili dovoljno ujednačenim uslovima koji to tržište bitno razlikuju od uslova tržišne konkurencije na susjednim geografskim tržištima.

Relevantno tržište proizvoda predmetne koncentracije je tržište univerzalnog bankarstva i lizinga.

Relevantnim geografskim tržištem smatra se tržište Bosne i Hercegovine, jer povezani privredni subjekti BayernLB djeluju na cijeloj teritoriji Bosne i Hercegovine.

U skladu sa navedenim Konkurencijsko vijeće je odredilo da se pod relevantnim tržištem smatra tržište univerzalnog bankarstva i lizinga na cijeloj teritoriji Bosne i Hercegovine.

#### **5. Analiza relevantnog tržišta predmetne koncentracije u Bosni i Hercegovini**

Tržišni udjeli na relevantnom tržištu povezanih privrednih subjekata BayernLB se neće promijeniti provođenjem predmetne koncentracije.

#### **6. Ocjena predmetne koncentracije**

Konkurencijsko vijeće je, nakon procjene i analize podataka i utvrđenih činjenica u smislu člana 17. Zakona, u postupku donošenja predmetnog Rješenja, ocijenilo da provođenje predmetne koncentracije neće narušiti postojeću tržišnu konkurenciju, te da predmetna koncentracija vodi samo promjeni vlasničke strukture privrednog subjekta BayernLB kao učesnika koncentracije iz čega proizilazi da navedena koncentracija neće proizvesti promjenu tržišnog udjela na relevantnom tržištu.

Konkurencijsko vijeće je utvrdilo da se predmetnom koncentracijom ne stvara i ne jača dominantan položaj na relevantnom tržištu, te je odlučilo kao u dispozitivu ovog Rješenja.

#### **7. Administrativna taksa**

Podnosilac prijave na ovo Rješenje, u skladu s članom 2. stav (1) tarifni broj 107. tačka d) pod 1) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», broj 30/06) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.



## **8. Pouka o pravnom lijeku**

Protiv ovoga Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Rješenja.

**Predsjednik**

**dr. Stjepo Pranjić**